

三才廣志

廣志卷之九百九十二

祠廟

祭法夫聖王之制祭祀也法施於民則祀之以  
死勤事則祀之以勞定國則祀之能禦大菑則  
祀之能捍大患則祀之是故厲山氏之有天下  
也其子曰農能殖百穀夏之衰也周棄繼之故  
祀以為稷共工氏之霸九州也其子曰后土能  
平九州故祀以為社帝嚳能叙星辰以著衆堯  
能賞均刑法以義終舜勤衆事而野死鯀鄫鴻  
水而殛死禹能修鯀之功黃帝正名百物以明  
民共財顓頊能修之契為司徒而民成冥勤其  
官而水死湯以寬治民而除其虐文王以文治  
武王以武功去民之菑此皆有功烈於民者也

厲山力世反左傳作烈山共音泰郢

章強

紀力反去民起呂反嚮口毒反顙音專頊許玉

反

春秋傳曰封為上公祀為大神厲山氏炎帝也  
起於厲山或曰有烈山氏棄后稷名也共工氏  
無錄而王謂之霸在大昊炎帝之聞著衆使民  
興事知休作之期也賞賞善謂禪舜封禹稷等  
也能刑謂去曰凶義終謂既禪二十八載乃死  
也野死謂征有苗死於蒼梧也殛死謂不能成  
其功也明民謂使之衣服有章也民成謂知五  
教之礼也宜契六世之孫也其官玄宜水官也  
霍菑謂桀紂也烈業也族猶類也祀典謂祭祀  
也

頭曰法施於民則祀之者若神農及后土帝嚳  
與堯及黃帝顓頊與契之屬是也以死勤事則  
祀之者若舜及鯀冥是也以勞定國則祀之者  
若禹是也能禦大菑及能捍天患則祀之者若  
湯文武是也其子曰農能殖百穀農謂厲山氏  
後世子孫

能殖百穀故國

語云社農之名社作農官周名農後也夏之衰  
也周棄繼之者以夏末湯遭大旱也七年畝  
置社稷故廢農祀棄故祀社為稷者謂農及棄  
皆祀之以配稷之神其子曰后土配平九州故  
祀父為社者是共工後世之子孫為后土之官  
后君也為君而掌土能治九州五土之神故祀  
以為配社之神鯀鄧洪水而殛死者鯀置水無

功而被堯殛死于羽出亦是有徵功於人故得祀之若無徵功為能治水黃帝正名百物者止雖有百物而未有名黃帝為物作名正名其體也以明民者謂垂衣裳使貴賤分明得其所也共財者謂山澤不鄣教民取百物以自贍也其如上事故得祀之顓頊能修之者謂能修黃帝之法契為司徒而民成者契為堯之司徒掌五教故民之五教得成宜勤其官而水死者宜契六世孫其官玄扃水官也

朱子語錄問祭先賢先聖如何曰有功德在人人自當報之古人祭五

帝只是如此後世有箇新生底神道緣衆心邪向他他便盛如狄仁傑只番泰伯伍子胥廟

壞也許多廟其鬼亦不能為害緣是他見得無  
這物事了因舉上蔡云可者欲人致生之故其  
鬼神不可者欲人致死

之故其鬼不神

秦始皇三十七年出游十一月至雲夢望祀虞  
舜於九疑山上會稽祭大禹

漢高祖二年或言周興而邑立后稷之祠至今  
血食天下於是高祖制詔天下立靈星祠常以  
歲時祠以牛

漢舊儀五年修復周家舊祀祀后稷于東南常  
以八月祭以太牢舞者七十二人冠者五六人  
十人童子六七四十二人為民祈農報功  
武帝時有人言古者天子以春解祠祠黃帝用

一氣破境

張晏曰黃帝五帝之首也春歲之始也氣惡  
逆之鳥方士云以歲始被除凶災令神仙之  
帝食惡之物鳥食母黃帝欲絕其類使百  
司皆用焉漢使東郡送鳥每以五月初五日  
作羹以賜百官所謂解祠者謂解罪求福也  
明帝永平二年遣使者以仲牢祠蕭何霍光帝  
謁陵園過式其墓

章帝元和春東巡狩使者奉一太牢詞帝克  
于濟陰

後王景擢六年詔為丞相諸葛亮立廟於沔陽  
先時所在各請為亮立廟不許百姓遂私祭  
之或以為可立於京師裨不紉步兵校尉習

崇中書侍郎向充等言於禪曰自漢以來小  
德而圖形立廟者多矣况亮德

通勳蓋

李世而祚嘗止於私門廟見闕而莫立非所  
以存德念功遠追在昔者今若盡從人則黷  
而無興建之京師又逼宗廟宜因近其墓立  
之沔陽使所屬以時賜祭凡其臣故欲奉祠  
者皆限至廟祈其私祀從之

何承天曰周禮凡有功者祭於大炁故後代  
遵之元勳配享充等曾不是式禪又從之蓋  
非禮也

東晉孝武帝寧康三年七月故事禮臯陶於廷  
尉等新禮移祀於律署以同祭先聖於大學舊  
祀以社日新改於孟秋以應秋政



虞摯按虞書皋陶作士惟門光國重其功人思其當是以獄官禮其神繫者致其祭功在斯獄之成不枉律令之始也大學之祠義重太常故祭於大學律之署卑於廷尉故祀於署是去重而就輕律非正署興廢無常宜如舊祀於廷尉祭用仲春義取重生咬用孟秋以應刑殺理未足以相易宜定新禮皆如舊制

後魏文成帝東巡歷嶠山祀黃帝孝文太和十六年紹曰法施於人祀有明典立功垂惠著常式其孟春應祀者頃以事殷遂及今日可今以仲月而享祀焉凡在祀令者有五帝堯樹則夫之功興巍巍之治可祀於平陽虞舜播太平

之風致無為之化可祀於廣寧夏禹禦洪水之  
災建天下之利可祀於安邑周文公制禮作樂  
垂範萬葉可祀於洛陽其宣尼廟已於中書別  
勅有司行事自文公以上可令當界牧守各隨  
所近攝行祀事皆用清酌尹祭也

隋制使祀先代王公帝堯於平陽以契配帝舜  
於河東人繇配夏禹於安邑伯益配商湯於汾  
陰伊尹配文王武王於澧渭之郊周公召公配  
漢帝於長陵蕭何配各以一太牢而無樂配者  
享於廟廷

唐高宗顯慶二年太尉長孫無忌議祭法堯舜  
禹湯文武皆有功烈於人及日月星辰人所瞻  
仰非此族也不在祀典惟此帝王合與日月同

例常亦祭享義在有用及隋代並遵其典  
漢高祖祭法無文垣以前代迄今多行秦漢故  
事始皇無道所以棄之漢高祖典章法垂於後  
自隋已上亦在祠例大唐稽古垂化網羅前典  
唯此一禮咸秩申申今新禮及今無祭先代帝  
王之文今請聿遵故實修附禮令三年一祭仍  
以仲春之月祭唐堯于平陽以堯祭虞舜於河東  
以舜祭夏禹於安邑以伯益祭殷湯於偃師以伊尹祭周文  
王於鄴以武王祭漢高祖於長陵以高祖  
麟德二年車駕將封岱嶽至滎陽頓祭紀信墓  
贈驃騎大將軍  
玄宗開元二十一年詔自古聖帝明王嶽瀆海  
鎮用牲牢餘並以酒脯充奠祀

其年雲州置觀孝文帝祠堂有司以時享祭

天寶二年追尊懿祖為德明皇帝京兆昭王為

興聖皇帝各與立廟每歲四孟月享祭

六載勅三皇五帝創物垂範永言龜鏡宜有欽

崇三皇伏羲

以句

神農

以祝

黃帝

以風

五帝少昊

以奉

顓頊

以文

高辛

以禮

唐虞

以義

虞舜

以德

其擇日及置

廟地量事營立其樂器請用宮懸祭請用少牢

仍以春秋二時致享共置令丞太常寺檢校

七載詔上古之君存諸祗號雖事先書契而道

著皇王緬懷厥功寧忘咸秩其三皇已前帝王

宜於京城內共置一廟仍與三皇五帝廟相近

以時致祭天皇氏地皇氏人皇氏有巢氏燧人

氏其祭料及樂請准三皇五帝廟以春秋二時

享祭歷代帝王肇既之虞未有祠宇者所由即

置一廟享祭仍取當時將相德業可稱者二人

配享夏王禹都安邑置一廟享祭仍取當時將

相德業可稱者二人周文王都鄆今或陽今夏陽以度伯

殷王湯都亳今或熱縣以何衡所周王太秦始皇王都齊先有廟以

周武王都鎬請入文王廟同享太乘後漢光武皇

帝起咸陽丞相李斯得漢高祖起沛彭城縣大傳氏晉武帝

都故洛陽司馬南陽司徒郭嵩將魏武皇帝郭嵩將郭嵩將

後周文帝起馮翊尚書後魏道武皇帝起雲

中太尉長孫嵩郡縣長官春秋二時書隋文帝封

隔漢東僕射高穎大將士孝婦烈女史籍所載德行

彌高者所在宜置祠宇量事致祭

殷相傳說殷太師箕子宋公微子微子殷少

師比干即齊相管夷吾齊相晏平仲晉卿

羊舌叔向即魯卿季孫行父即鄭卿東里子產

東陽燕上將軍樂毅即趙卿蘭相如即楚三閭大

夫屈原即漢大將軍霍光平陽漢太傅蕭望之臨

漢丞相丙吉即蜀丞相諸葛亮即

已上忠臣一十六人

周大王吳太子吳太伯吳伯夷叔齊吳延陵季札

丹陽魏將段干木即蘇高士魯仲連即楚大夫申

包胥即漢將軍紀信即

已上義士八人

周太王姬大姜即周王季姬大任即周文王姬

大妣即魯大夫季敬姜即鄒孟軻母陳宣

孝婦即曹世叔妻大家即

已上孝婦七人

周宣王齊陵

即長沙

衛太子恭姜

即汝

楚莊樊姬

即富水

楚

昭正女

即富水

宋恭伯姬

即陽

梁宣

高行

即陳

齊杞梁妻

濟南

趙將趙括母

即趙

漢成帝班婕妤

即班

漢元帝馮

昭儀

即陽

漢太傅王陵母

即王陵

漢御史大夫張湯母

臨高

漢河南尹嚴延年母

即東海

漢淳于緹縈

即濟南

已上烈女一十四人

右並令郡縣長官春秋二時擇日往前致祭

其歷代帝王廟每所差側近人不課戶四人

有闕續填仍關戶部處分至十二歲七月二

十八日有勅廢九載十一月十六日周武王

漢高祖於京城內同置一廟并置官吏

代宗大曆五年御坊節度使上言坊州軒轅皇

帝陵同請置廟四時刻於祀典從之

永泰二年詔道州舜廟宜獨近廟佃戶充掃除  
憲宗元和十四年勅周文王武祠宇在咸陽縣  
宜令有司精加修飾

昭宗天祐二年封楚三閭大夫屈原為昭靈侯  
舜帝二妃祠為懿節祠

開元禮有司享先代帝儀

前享五日諸享官各散齋三日於正寢致齋二  
日於其廟所如別儀

無廟者祭如壇其壇制淮州社壇其祭官以  
當州長官亦無以次通取也

諸享官致齋之日給酒食及明衣各習禮於齋  
所前享一日所管縣官清掃内外整拂神座



無廟者享日未明縣官率其屬入請壇東陞  
伏設神座於壇上近北南向席以莞以後陳  
設行事休在廟之位

設配坐於神座東南西向席以莞又為瘞坎於  
廟後壬地方深取足容物贊禮者設初獻位於  
東階東南亞獻終獻於初獻之南少退俱西向  
北上設掌事者位於終獻東南重行西面以北  
為上設贊唱者於終獻西南西向北上設望瘞  
位於廟堂東北西向又設贊唱者作於瘞坎東  
北南向東上設享官以下位於南門之外道東  
重行西面以北為上

宋太祖皇帝建隆二年詔先代帝王陵寢宜令  
所屬州府遣近戶守視其冢墓有蘊毀者亦加

修葺

乾德元年詔曰歷代帝王國有常享著于甲令

可舉而行五代亂離率多廢墜墮神之祀闕禮

甚焉其高年廟在宋州充廟在晉州監沁舜廟在河中府

夏禹廟在兗州夏縣商湯廟在河南府偃師周文王廟在鄭州

武王廟在魏州漢高祖長陵在東京兆陽縣界以

宜令有司准令每三年一享歲仲春月行享牲

用太牢以羊豕代祀官以本州長吏有故遣賓

佐行事仍令造祭器送之陵側嚴禁樵采又詔

後漢光武於南陽舊廟祭享以鄧禹吳漢賈復

耿弇配立唐太宗廟于京兆醴泉縣以長孫無

忌房玄齡杜如晦魏玄成李靖配並畫像廟壁

二年十一月太常博士聶宗義上言准祠令周

文王以太公配唐天寶七載以師鸞熊及大公  
望配伏緣太公已封武成王春秋釋奠望自今  
止以鸞熊配享奏可

四年詔曰歷代帝王或功濟生民或道光史載  
垂於祀典厥惟舊章兵興以來日不暇給有司  
廢職因循曠墜或廟貌攸設牲牷罔薦或陵寢

雖存

樵薪靡禁

反席與念

茲用愴然

其太昊

黃帝

顓頊

夏禹

商湯

高辛

唐堯

虞舜

夏禹

商湯

周文王

武王

漢高祖

後漢世

成湯

周文王

武王

漢高祖

後漢世

祖

唐高祖

太宗

十六帝

各給

守陵五戶

蠲其他役

長吏春秋奉祀

他處

有祠廟者

亦如祭享

商中宗太戊

高宗

高宗

高宗

高宗

高宗

高宗

武丁葬陳州西周武王葬陽城康王葬陽城漢文帝葬霸陵在長安

宣帝葬杜陵在長安魏太祖葬高平陵在相晉武帝葬峻陽陵在河南洛陽

後周太祖葬陵在魏州隋高祖葬陵在鳳翔十帝名給三

戶歲一享秦始皇帝葬陵在雲陽漢景帝葬陵在長安

武帝葬陵在長安後漢明帝葬陵在河南章帝葬陵在河南

魏文帝葬陵在許昌後魏孝文帝葬陵在許昌唐玄宗葬陵在長安

肅宗葬陵在長安憲宗葬陵在長安宣宗葬陵在長安

太祖葬陵在河南後唐莊宗葬陵在河南明宗葬陵在河南晉高

祖葬陵在河南十五帝各給二戶三年一祭周桓王

靈王葬陵在河南景王葬陵在河南威烈王葬陵在河南

漢元帝葬陵在長安成帝葬陵在長安哀帝葬陵在長安平帝葬陵在長安

漢和帝葬陵在河南殤帝葬陵在河南安帝葬陵在河南順帝

冲帝葬陵在河南質帝葬陵在河南獻帝葬陵在河南魏

明帝平陵在河南河高貴卿公葬河南洛陽陳晉王晉

惠帝太陽陵在河南懷帝愍帝西魏文帝永陵在魏州

東魏孝靖帝葬相州唐高宗乾陵在乾州睿宗葬乾陵在魏州

德宗崇陵在魏州順宗憲陵在魏州穆宗光陵在同州恭宗葬在魏州

文宗章陵在魏州武宗靖陵在魏州懿宗簡陵在魏州僖宗靖陵在魏州

昭宗和陵在河南梁少帝葬河南後唐末帝葬河南洛

十八帝陵州縣常禁樵采仍詔吳越國王錢叔

修奉禹墓

開寶三年河南鳳翔京兆府及耀州言周文王

武王康王秦始皇漢高祖文帝景帝武帝元帝

成帝哀帝後魏孝文帝魏文帝後周太祖唐高

祖太宗中宗肅宗代宗德宗順宗文宗武宗宣

宗懿宗僖宗昭宗凡二十七陵並經唐末兵亂

開發詔有司造衮冕服及常服各一襲具棺槨以葬掩坎日所長吏致祭

十月詔前代功臣烈士宜令有司詳其勲業優劣以聞

有司言齊孫贖晏嬰公孫杵臼燕樂毅漢曹參陳平韓信周亞夫衛青霍去病霍光蜀主劉備關羽張飛諸葛亮唐房玄齡長孫無忌魏玄成李靖李勣尉遲敬德渾瑊段秀實等皆勲德高邁為當時之冠晉趙簡子齊孟嘗君趙奢漢丙吉唐高士廉唐儉岑文本馬周為之次南燕慕容德唐裴寂元稹及其次詔孫贖等各置守冢三戶趙簡子等各兩戶志蠲其役慕容德等禁樵采其有為盜賊所發

者皆具棺槨朝服以葬掩坎日致祭長吏奉其事

六年詔許州修晁錯廟

真宗咸平元年辰州言漢伏波將軍新息侯馬援廟水旱祈禱有應詔封新息王

四年詔西京修後唐河南尹張全義祠堂遣使葺益州諸葛亮廟

景德四年贈漢將軍紀信為太尉後漢司徒魯恭為太師以唐刑部尚書白居易孫利用為河南府助教常令修奉墳塋影堂又詔河南府建漢高祖廟以時致祭今鄭州給唐相裴度守墳三戶

太中祥符元年十月詔曰周文公旦制禮作樂

誕稟聖賢煥乎舊章垂之千載今以上尉公岳  
按蹕魯郊遊覽遺風緬懷前烈始公胙土寔惟  
是邦故其嗣君得用王祭而祠宇未設闕孰甚  
焉物議褒崇以申族顯可追封文憲王於曲阜  
縣建廟春秋委本州長吏致祭三年令西京葺  
後唐莊宗廟

四年祀汾陰駐蹕河中府令訪伯夷叔齊廟遣  
官致祭緣路帝王名臣祠廟神帳畫壁並加葺  
治禁唐相婁師德墳墓樵采令衡州葺神農廟  
六年詔諸州有黃帝祠廟並加崇葺又令常州  
葺周處廟

神宗熙寧元年七月知濮州韓鐸言堯陵在本  
州雷澤縣古穀林山陵南有堯母慶都靈臺廟



請勅本州春秋致祭置守陵戶免其租俾奉灑掃詔給守陵五戶

四年詔周嵩慶懿三陵柏子戶番七戶餘放歸農仍命歲時加修葺十年權御史中丞鄧閔甫言嘗有興利之臣議前代帝王陵寢許氏請射耕墾而司農可之唐之諸陵悉見芟刈熙寧令前代帝王陵寢並禁樵採耕墾并絀責創議之人詔唐諸陵除已定頃畝之外其餘許仍舊耕佃為守陵戶餘並禁止

四年承議郎吳處厚言程嬰公孫杵曰保全趙孤乞加封爵詔河東河北漕臣訪其祠墓嬰封威信侯杵曰封忠智侯立祠於墓側載之祀典判應天府張才平言司農等近降新制募人承

買祠廟然關伯主祀大火為國家盛德所鍊微  
子問國子宋亦本朝受命建號所因張巡許遠  
以孤城死賊能捏大患請免此三廟以補國家  
嚴奉之意詔司農寺驚天下祠廟辱國鑒神  
此為甚可並寢之令開封府劾官吏以聞

徽宗政和三年禮議局上五禮新儀仲春仲秋  
享歷代帝王女媧氏於晉州無配帝大昊氏於  
陳州以金提勾芒配帝神農氏於衡州以祝融  
配帝高陽氏於壇州以玄冥配帝高辛氏應天  
府無配帝陶唐氏濮州以唐司徒高配辛有虞  
氏於道州以虞相庭堅配夏王大禹於越州以  
夏相伯益配商王高宗於陳州以商相甘盤傳  
說配商王成湯於慶成軍以商相伊尹配商王

中宗於大名府以相商伊陟臣扈配周文王以  
周師鬻熊配武帝以周太保召康公配成王以  
冢宰周文公侯唐太叔配康王以周太師畢公  
配秦始皇帝以丞相李斯內史蒙恬將軍王翦  
祀漢高皇帝以相國鄧文終侯蕭何配太宗孝  
文皇帝以丞相曲逆獻侯陳平太尉絳武侯周  
勃衛將軍宋昌城陽景王劉章配李景皇帝以  
丞相魏其侯竇嬰丞相安節侯申徒嘉配世宗  
孝武皇帝以丞相平津侯公孫弘大將軍長平  
烈侯衛青驃騎將軍冠軍景桓侯霍去病車騎  
將軍褫侯金日磾配中宗孝宣皇帝以丞相博  
定侯丙吉丞相高平憲侯魏相大司馬大將  
軍博陸宣令侯霍光大司馬衛將軍富平侯張

安世配自周文王至漢宣帝並於永興軍後漢  
世祖光武皇帝於河安府以太傅高密元侯鄧  
禹太司馬廣平忠侯吳漢左將軍膠東剛侯賈  
復建威大將軍好時愍侯耿弇配魏文皇帝於  
河南府以太尉壽鄉肅侯賈詡司徒蘭陵成侯  
王景興大司馬邵陵元侯曹真衛尉穎鄉肅侯  
辛毗配後周太祖文皇帝於耀州以太冢宰上  
柱國齊煬王憲行臺尚書邳國公蘇綽太傅燕  
國文公子謹大將軍范陽公盧辨配隋高祖文  
皇帝於鳳翔府以右光祿大夫奇章憲公牛里  
仁左僕射上柱國高穎右武大將軍宋公賀若  
弼配唐高祖神堯皇帝於耀州以贈司空揚州  
都督河間元王孝恭贈右僕射鄆國公節殷開

山民部尚書刑國襄公劉政會贈司空桂安靖  
王神通配太宗文皇帝於永興軍以太尉趙公  
長孫無忌贈太尉梁國文昭公房喬贈司空萊  
國公杜如晦贈司空鄭國文貞公魏玄成贈司  
徒衛國景武公李靖配明皇帝於華州以贈太  
師燕國文正公張說贈太子少保代公郭元振  
配肅宗宣孝皇帝於永興軍以贈太師韓文正  
公苗晉卿贈太尉冀公裴冕配憲宗章武皇帝  
於華州以中書令晉公裴度贈太傅岐國安簡  
公杜佑贈太尉涼國武公李愬配宣宗獻文皇  
帝於耀州以門下侍郎平章事夏侯孜中書令  
贈太尉白敏中中書侍郎平章事馬植配後唐  
莊宗皇帝以侍中兼樞密使郭崇勰中書令太

師隴西郡王李嗣昭開府儀同三司贈尚書令  
符存審配明宗皇帝以中書令贈太師晉國忠  
武公霍彥威工部尚書平章事贈太傅任國配  
晉高祖皇帝以中書令魏公桑維翰中書令趙  
瑩配漢高祖皇帝無配自後唐莊宗至漢高祖  
皇帝並於河南府周嵩陵太祖皇帝慶陵世宗  
皇帝於鄭州

紹興二年駕部員外郎李愿奏程嬰公孫杵曰  
於趙最為有功神宗皇帝初年皇嗣未建封嬰  
為成信侯杵曰為忠智侯命絳州立廟歲奉祀  
其後皇嗣衆多垂祐萬世今來廟宇隔絕祭亦  
弗舉欲令禮官討論於行在春秋設位望祭從  
之十一年中書舍人朱翌奏程嬰杵曰雖存趙

孤然不絕趙祀而卒立武者韓厥也請以韓厥  
載祀典杵臼同宇下禮官討論太常寺與檢點  
國朝會要絳州祚德廟太平縣晉程嬰公孫杵  
臼韓厥祠在墓側元豐四年封侯賜額崇寧三  
年封韓厥義成侯令討論欲從所乞於行在不  
地權創祠宇契勘旌忠廟係秦州伏羌城之神  
昨來朝廷已降指揮於臨安府建廟令來祚德  
廟欲乞比附旌忠廟例令臨安府踏逐地步修  
建施行候祠宇畢日就本廟春秋二仲依小祠  
禮致祭 十六年加嬰忠節成信侯杵臼通勇  
忠智侯厥忠定義成侯 二十二年又以封嬰  
疆濟公杵臼英略公厥啓佑公命兩浙漕臣建  
廟宇升為中 廟在爭戎院故址大一宮之南

十四年衡州守臣劉清之奏史載炎帝陵在長沙茶陵今衡州茶陵縣是也陵廟皆在康樂鄉白鹿源距縣百里而祠宇廢祖宗時給近陵七戶守視禁其樵牧宜復建廟給陵戶禮官請如故事命守臣行之

祠廟當祀者具載於吉禮於群祀及功臣配饗內今所載者乃天下所立祠廟

周禮小宗伯註求福曰禱得求曰祠又祠報福也今所立祠廟皆以求福於神也神之為神使能禍福於人則福善而禍惡理之常也善人必不求惡人求之而得禍祠而無靈又何祀而求焉

公羊傳祠謂物始生思親嗣也今祠必於善人



為親

說文廟尊先祖貌也所以彷彿先人之容貌今立廟以祀神必盡塑其容貌象以祭之故曰廟然非其鬼而祭之諛也祭之事具載於吉禮此條為祠廟而言

叢祠類註陳勝傳云謂草木岑蔚也

梁為琛為吳興守郡有項羽廟甚靈於郡廳事為神坐前後二千石皆以牛充祭而避居他室琛至著履登廳事常聞室中有叱聲琛曰生不能漢祖爭中原死據此廳事何也因遷之

梁武帝以京師旱甚詔於蔣帝廟求雨十旬不降帝怒命載荻欲焚蔣 斧神影是日欲起火當神上忽有雲如繖而驟雨如注臺中宮殿皆

振動帝懼自此畏信備法駕到廟修謁出曹景宗傳

唐狄仁傑為江南巡撫使吳楚多淫祠仁傑毀千七百房止晉夏禹吳太伯李扎五員四祠

歷代廟

靈顯王廟

在鄭州城東僕射陂側陂本後魏孝文賜僕李中里俗因乎僕射陂唐未建廟因陂為名俗誤傳為李靖後唐明宗天成二年贈靖太保晉天福二年八月勅唐衛國公李靖宜封靈顯王

顯聖王廟

廟在寧州真寧縣即要冊湫也漢祠官所領

唐乾符中封神為應聖侯光化二年封普濟  
王宋朝太宗在晉卽有神告之廟太平興國  
二年七月四日封顯聖王按張緒續錦里耆  
舊傳曰太宗尹天府登極前有邠州客打軍  
巡引見問爭由曰爭說要冊大王上曰有侵  
傷不均吾為平之若爭要冊大王外邊商量  
此蓋神告之事耳

### 廣濟王廟

在永康軍導江縣李水廟也秦孝文王時水  
為蜀郡守自汶山壅江灌漑二郡開稻田歷  
代以來蜀人德之饗祀不絕為蜀封大安王  
孟祖又號應聖感應王開寶七年改號廣濟

王

英顯王廟

在梓州梓潼縣本梓潼神也舊記曰神本張  
惡子仕晉戰死而廟存唐明皇狩蜀神迎於  
萬里橋追命在丞相僖宗播遷亦有助封濟  
順王周平中益卒為亂王師討之忽有人呼  
曰梓潼神遣我來九月二十日城陷果土四  
州以狀聞故命追封英顯王

新息王廟

辰州新息王廟後漢伏波將軍馬援祠也咸  
平元年三月本州上言水旱祈禱有應請加  
封號即今號是也

廣惠王廟

宣州敬亭山神也宋元嘉二年有錢塘神梓

華友人雙霞識之為神同在廟中縣令盛疑  
焚之來託此山景福中封昭威侯偽唐保大  
中封昭威王景德元年知州裴莊請加朝命  
故追號廣惠王

顯應王廟

在泉州是廟舊封昭德王天禧三年五月本  
州言歲旱禱之有應故加封號今顯應王是  
也

順濟王廟

筆談曰彭蠡小龍顯異人人能道之熙寧中  
正師南征有軍伏教十船泛江而南龍即伏  
其中乘風日數百里有司以狀聞詔封神為  
順濟王遺禮官林希致詔祠下

英烈王廟

大中祥符五年詔杭州吳山廟神宜特封英  
烈王神即五子胥時新葺廟故也

德安公廟

即夷門山神也景德四年十二月加封魏德  
安公

顯應公廟

在京城北即崔府君祠也相傳唐滏陽令沒  
爲神主幽冥本廟在磁州淳化中民於此置  
廟至道二年晉國公主石氏祈有應以事聞  
詔賜名護國景祐二年七月封護國顯應公  
炳靈公廟

五代會要曰後唐長興四年七月封泰山三

卽爲威權大將軍時上不豫泰山僧進藥小  
康僧請封之宋朝會要曰廟在兗州泰山下  
卽泰山神三卽也後唐詔封威權將軍大中  
祥符七年十月十五日詔封威權將軍爲炳  
靈公

明應公廟

在潤州卽焦山大聖祠也大中祥符七年四  
月詔特封明應公

靈惠公廟

在鄒州烏聊山卽唐越國公華神也群人立  
祠大中祥符二年詔加靈惠公封

靈濟公廟

在梓州射洪縣卽瀘州刺史陸弼神也弼貶

瀘州有善政卒士人為立廟水旱請禱偽蜀  
封洪濂王大中祥符六年九月詔封氣靈濂  
公也

### 昭應公廟

在河南府水安縣至道二年十月太宗山陵  
乏水牛山下忽有泉湧山陵使元份以聞詔  
立廟泉側賜名昭聖景德四年特封昭應公  
嘉應侯廟

熙寧間百姓共立東岳張太尉祠於國城之  
外東南隅俗傳神姓張氏淮陰人死隸岳神  
主陰府要職京東州郡徃徃有祠世謂張舍  
人者是也至此號太尉元豐中光獻太皇太  
后所有感始封嘉應侯號



靈惠候廟

元豐時國城之西民立灌口二郎神祠玄神  
永康道江縣廣濟王子王即秦李水也會要  
所謂水次子即君神也今上即位勅封靈惠  
候

東嶽諸祠廟

大中祥符元年十月十五日詔封泰山上通  
泉廟殿為靈泚侯亭亭山為廣禪侯嶧山神  
為靈巖候

普濟廟

在京城西南隅景福坊即九龍堂也大中祥  
符四年六月十九日詔令完葺因賜名普濟  
廟也

靈澤廟

在鎮戎軍朝那湫即龍廟秦漢所祠湫淵也  
天禧二年四月八日賜廟名靈澤

顯靈廟

在河南府永安縣安陵東北即鮑王祠也景  
德四年二月賜廟名顯靈

靈惠廟

在永安門徘徊泉上即泉神也大中祥符五  
年江守訓立廟遂賜靈惠名焉

靈源廟

在衛州共城縣即百門水所出也唐長安中  
置廟咸平元年春祈雨有應四月詔賜廟額  
曰靈源

豐寶廟

景德三年九月解州上言兩池左右祠廟請  
易題額詔取圖經所載者賜額遂改解縣池  
龍廟額曰豐寶安邑曰資寶分雲廟曰廣惠  
注自此以除嘉應靈惠二侯外其不原上所  
出者皆出宋朝會典

事實

五方神現

武王伐紂都洛邑天大雨雪甲子朔五神車  
騎止王門之外欲為武王王曰請神各有名  
乎師尚父曰南海神名祝融北海神名玄冥  
東海神名句芒西海神名蓐收河伯名馮脩  
使謁者以名召之神皆警而見武王王曰何

以教之神曰天伐殷立周謹采受命各奉其  
使武王曰予歲時無廢禮焉

太公陰謀

### 翁仲二神

魏明帝鑄銅爲二神人號翁仲置司馬門外  
按右長人見爲國亡長狄見臨洮爲秦亡之  
禍始皇反以爲祥鑄銅象之

習五竹志

### 爲賽神會

京師百司胥吏每至秋必醵錢爲賽神會往  
徃因劇飲終日蘇子美進奏院會正坐此余  
嘗問其何神曰蒼王蓋以蒼頡造字故胥吏  
祖之固可笑矣官局正門裏皆放中間用書  
木龕供佛曰不動尊佛雖禁中諸司皆然其  
意立本吏畏罷斥以爲禍福甚驗事之極恭

此不惟流俗之謬可笑雖神佛亦可笑也  
許賽以

庾亮鎮武昌引戴洋問氣候後亮病洋曰昔  
蘇峻時公於白石祠中祈福許賽其牛至今  
未解故為此鬼所考亮曰有之君是神人也  
至明年而薨

本傳

神占郡廳

梁菊琛為吳興守郡有項羽廟甚靈於郡听  
事為神坐前後二千石皆以牛充祭而避居  
他室琛至著履登听事常聞室中有叱聲琛  
曰生不能與漢祖爭中原死據此听事何也  
因遷也

焚蔣帝廟

梁武帝以京師旱甚詔於蔣帝廟祈雨十旬  
不降帝怒命載荻欲焚蔣廟并神影是日欲  
起火常神上忽有雲如繖而驟雨如注臺中  
宮殿皆振動帝懼自此畏信備法駕到廟脩  
謁曹景宗傳

### 毀廬山廟

顧邵為豫章禁淫祀毀諸廟至廬山廟一郡  
悉課不從夜有人燈前狀若方相云是廬山  
君劬要之人坐於談春秋燈盡澆左傳以續  
之鬼欬凌劬神氣湛然鬼返和遜求復廟  
劬笑而不荅鬼怒曰三年內君必衰當此時  
相報如期劬果病歿勸復廟劬曰和豈勝正  
終不聽遂卒商芸山說

宿薄后廟

牛僧孺落第歸宛葉間將宿大安民會舍暮  
失道夜月始出遠望火明至一大宅黃衣閣  
人曰有客有客入告少時出曰請即君入至  
大殿蔽以珠簾拜於殿下簾中語曰妾漢文  
帝母薄太后此是廟即何尊至行役無若乎  
今夜風月佳甚呼左右屈兩箇娘子出見牛  
秀才良九有二女子從雲中至太后顧曰此  
高祖戚夫人余下拜夫人亦拜又顧二人曰  
此元帝王嬪如前拜各就坐太后使紫衣中  
貴人曰巡楊家潘家來久之五色雲中有二  
女子下太后顧曰此是唐朝太真妃余即肅  
拜如臣禮更一人曰此齊帝潘淑妃余拜妃

復拜既畢太后命進饌見潘為賦詩別有善  
笛女子太后謂曰識此否此石家綠珠也因  
曰牛秀才來今夕誰人與伴戚夫人潘妃綠  
珠皆辭不可及乱太后又曰太真先朝貴妃  
固勿言也乃謂王嬙曰昭君嫁呼韓單于胡  
鬼何能為昭君幸無辭昭君不對低眉羞恨  
俄各歸休牛秀才為左右送入昭君院會將  
旦竟辭去太后使人送往大安即旋失被人  
行步時天始明余却望有廟荒毀不可竟入  
不知其如何

用秦竹記

### 毀淫祠

唐狄仁傑為江南巡撫使吳楚多淫祠仁傑  
毀千七百房止番夏禹吳大伯季札五負四



福

脩江瀆廟

文潞公少時從其父赴蜀州幕官過成都潞公入江瀆廟觀盡祠官接之甚勸且言夜夢神令洒掃祠庭曰明日有宰相來官豈異日之宰相乎公笑曰宰相非所望者若為成都當今朝一新慶曆中公以樞密直知益州聽事之三日謁江瀆若事感焉方經營改廟造中忽江漲大木數千章蔽流而下盡取以為材廟成壯觀甲天下

聞見錄

收其施利

張諤判司農寺上言下祠廟有施利乞依河渡坊場召人買撲時上荆公秉政主諤言

勅下有差南京辛廟

少祈祭縣吏柳勤

僅訓十千時張方平

南京因抗疏言朝

廷生財當自有理豈可以古先帝王祠廟賣  
與百姓以覩十千之利乎  
上大駭賣廟事

尋罷

卷餘錄

### 術致廟梁

仲世衡知澠池縣旁山有廟世衡葺之其梁  
重大衆不能舉世衡乃令縣幹剪髮如手搏  
者驅數對於馬前云欲詣廟中教操傾城  
人隨往觀既至謂觀者曰汝曹先為我致廟  
梁然後手搏衆欣然趨下山共舉之須臾  
而上其摧數皆此類

記聞

### 南海廟

事見神類南海廣利王下

羅池廟

羅池廟者故刺史柳侯廟也柳侯為州不鄙  
夷其民動以禮法年民各自矜奮曰茲土  
雖遠京師吾等亦天氓今天幸會仁侯若不  
化服我則非人於是老少相教語莫違侯入  
掌與其部掾魏忠謝寧歐陽翼飲酒驛亭謂  
曰吾棄於時而寄於此與若等好也明年吾  
將死死而為神後三年為廟祀我及期而死  
三年孟秋辛卯侯降于州後堂歐陽翼等見  
而拜之其夕夢翼而告館我于我于其月  
丙辰辰成大祭過客李儀醉酒慢侮堂上得  
疾扶出廟門即死出韓文

三皇廟在順天府治南明照坊元元貞初建  
內有三皇并歷代名醫像東有神機堂內置  
銅錢灸圖二十有四凡五臟旁注為溪谷  
所會各為小竅以遵其源委有刻鍼灸經于  
石其碑之題篆則宋仁宗御書元至元間自  
汴移置此洪武初銅人取入內府圖經尚  
存

真武廟在順天府西海子東永樂十三年建  
東嶽廟在順天府東正統十三年重建  
都城隍廟在順天府西正統十三年重新  
鐵牛廟在舊燕城東南有土埋鐵牛露脊都  
人因祠祀之

漢昭烈廟在涿州西南樓桑村唐乾寧四年

建金承安初重脩 本朝洪武間更新之  
元世祖廟在順天府西金城坊洪武十年建  
有司歲時致祭

張堪廟在薊州治西北隅堪漢漁陽太守

狄仁傑祠在昌平舊縣北元大德初因舊重建  
學士宋渤記 本朝正統十三年更新之

劉蕡祠在昌平舊縣東蕡仕唐以直言對策  
邑人慕其賢立祠祀之元黃潛詩劉君古遺  
直祠堂在丘園嗟此豪傑窟文雄歟孤鶩平  
生二三策匪徼明主恩瑣瑣談失得無奈市  
井言

楊令公祠在密雲縣古北口祀宋陽業業善  
戰特號楊無敵數拒遼有功民賴以安後人

立祠祀之宋蘇轍詩行祠寂寞寄閨門野草  
猶如避血痕一敗可憐非戰罪大剛嗟獨畏  
人言驅馳本為中原用寧亨能今異域尊我  
歆比君用子隱誅刪聊足慰忠魂

文丞相祠在順天府學西元殺宋忠臣丞相  
文天祥於此旣而名曰教忠坊以旌異之  
本朝為祠立歲時致祭正統間重脩楊士寄  
有記元徐世隆詩大元不殺文丞相君義臣  
忠兩得之義似漢皇封蓋日忠如蜀將斫顏  
時乾坤日月華夷見海嶺風霜草木知只恐  
史官編不盡老夫和淚寫新詩

開平忠武王祠在通州城東南姓常遇名春  
本朝功臣洪武三年建祠以祀之正統十二

年重修

北嶽廟在曲縣治西距恒山百餘里祀北嶽  
恒山之神 本朝載在祀典事祥濟南府東

嶽廟

漢高祖廟在鵠鵠井上

漢光武廟在栢鄉縣北八十里元陳孚詩赤  
伏真天子玄圭袞藻明千年高邑廟一笑下  
兵野闊騰龍氣河流渡馬声列侯冠劍合英  
彩儼如生

廬頗廟在饒陽縣東二十五里嚴雲詩長平  
堅壁破秦軍颯爽英姿今尚存堪嘆幾人司  
節錢落花飛絮寂無聞

淮陰侯廟在獲鹿縣西古井陘口漢韓信嘗

引兵出此後人因立廟宋韓琦邵雍元劉因  
俱有詩觀重甌馬倦重遊萬將分兵此坐籌  
域項豈知秦尚在奪齊便覺漢無憂英彭一  
休誰遺類絳灌諸孫自列侯愛殺鹿泉泉下  
水亂山百折只東流

馮母廟在饒陽縣治西相傳漢馮異從光武  
其母囑之曰汝君盡忠莫思盡孝我寧死遂  
自縊後建廟祀之

韓魏公祠在定州文廟西宋王巖叟作記元  
劉因詩定州古北門作鎮多英奇如何郡學  
滂獨有韓公碑乾坤極原大運動物不知堂  
堂宋三朝幹旋公似之惟公玄默間泰山已  
四維天宇公之祠元氣非公誰



蘇東坡廟在定州學石湖范成者大經過有詩

史丞相祠在真定府城外東北偶元丞相史天澤始為真定都司有德政及卒義士彭世和等構祠像祀忠丞王博文撰碑

王淳南祠在藁城縣學淳南王若虛別號也藁城董王趙三氏勲閥子弟師若虛之言而董其德故建是祠元學士吳澄為記

趙文正祠在贊皇縣學文正元太保趙良弼掌出祠帑建廟學後卒縣令因祠祀之張魯作記

安先生祠在藁城縣西莞鎮元郡人蘇天爵李士興為卿先生安熙建其祖滔公松咸有

位馬歐陽玄作記

成安君廟在成安縣治西北陳餘事趙封成  
安君與韓信戰於此而死後人重立漢廟祀  
之

呂僊祠在邯鄲縣北二十里唐開元中道士  
呂翁嘗息於此遇少年盧生自嘆貧困時主  
人方炊黃梁翁以枕受生曰枕吾枕當令子  
榮適如意生枕之夢自枕竅中入至其家娶  
崔氏女甚麗明年舉進士歷官至中書令年  
八十卒及寤顧翁在傍主人炊黃梁猶未熟  
謝曰此先生所以窒吾入也為後立人呂僊  
祠

顓頊廟在開州城東二十五里顓頊城唐太

和四年立宋乾德六年重脩 本朝祀典有祭  
比干廟在長坦縣西南六十里衛樓村比干  
殷忠臣

楚王廟在內黃縣北項羽斬將軍宋義於此  
後人為立廟

靈津廟在開州西南八里宋神宗時何次曹  
村下掃遣官以牲玉沉河禱焉詔立廟曰靈  
津令碑刻具存

衛靈公祠在長坦縣東北一十五里

衛大夫祠在開州城北七里戚城祀仲由人  
長坦縣蒲城鎮亦有祠

趙文君祠在魏縣東二十三里文君名夔字  
龐和漢武帝特為令時天旱自焚祈雨民感

之爲立祠

三賢祠在舊府城文廟東南祠唐魏徵狄仁傑宋韓琦

狄梁公祠在大名府城南門外唐梁公狄仁傑堂爲魏州刺史有異政民爲立生祠舊有雙碑一李邕文張處繼書開元中立一馮朝文胡証書元和中立

忠烈公祠在開州治東元郭加盡忠所事本朝洪武初旌其忠烈命有司所立祠春秋致祭

伯夷叔齊廟在舊府治西漆河之濱伯夷叔齊孤竹國君二子宋封伯夷爲清惠侯叔齊爲仁惠侯元封伯夷爲昭義清惠公叔齊爲

崇讓仁惠公舊廟久廢 本朝洪武九年於

城東北隅重建有司每歲春秋仲月祭焉

姜將軍廟在唐山上將軍仕唐清太間授命  
鎮碣石之石城時有蛟為民害將軍斬之人  
懷其惠廟祠至今

韓昌黎祠在昌黎縣治西北唐韓愈其先昌  
黎人愈歷官吏部侍郎其文章佐六經學者  
仰之卒謚曰文後封昌黎伯 本朝洪武中

建祠祀焉

舜祠在歷山

王仲廟在大翻山

獨石神廟在開平衛城南獨石上正統七年  
建祀土神

溫泉神廟在赤城堡西溫泉上正統六年因舊重修祀泉神

城隍廟唐祐二年置舊在城西北今在臺治南街街東太廟街內七下皆應天府東嶽廟在城內西南斗門橋之東

江瀆祐德廟在城西清涼寺東

真武廟在府城西北清化市東

後湖真武廟本吳赤烏玄武觀後燬於兵

蔣帝廟在山之西北去城二里神蔣姓名子文漢宋尉秣陵死而靈翼吳大帝為大帝為立廟晉加相國之號宋加相國大都督中外諸軍事封蔣王齊進號為帝乃以廟門為靈先門中門為興善門外殿曰帝山內殿曰神

居梁武嘗禱雨有異及魏軍圍鍾離復見陰  
助南唐謚曰莊武帝更脩廟宇宋開寶八年  
廟火雍熙四年即舊址重建景祐二年陳執  
中增得賜額惠烈正和八年漕使劉會元重  
脩乾道八年樞密洪遵重脩

吳大帝廟在西門外清涼寺之西舊傳今廟即  
當時故宮

晉元帝廟唐祐二年置舊在城內西北示將軍  
廟厠宋景德四年重脩後移就加瑞坊城隍  
廟東廡加定四年黃渡作新廟於石頭東兩  
廡設禮樂即英三十六像葉適為記

忠烈廟即卞將軍 在壽宮西晉蘇峻亂尚  
書令卞壺與其二子死難南唐保大中始建

忠貞亭於其墓北宋慶歷三年改亭曰忠孝  
胡銓作記今重修建

伍相廟按建康實錄吳孫綝侮慢人神燒大  
航及子胥廟今不詳其所

晉謝將軍在城西南隅戒壇院之側唐咸通  
九年建將軍蓋謝玄也

晉陰山廟在城西南一十二里晉建武中丞  
相王導於國阜間隱約見步騎數十駐立隴  
上導恠之使人致問俄失其所見夢於導  
曰我乃陰山神也隨帝渡江寓泊迂此鄉  
我為置祠當福晉祚導以其事聞上乃置廟  
於此仍名其國為山宋開寶八年平江南曹  
翰重修因為廟記書於堂之西壁



晉梅將軍廟在城南門外雨華臺東地名石子岡晉梅贖嘗屯營於此又名梅嶺岡或名梅贖營後人即此立廟

文孝廟梁昭明太子是也在城內西南新橋之西面臨淮水宋建炎間焚毀紹興五年再建

武成王廟在右南廂鎮淮橋之北街街西唐元間中詔京師及天下州府並立太公廟南唐徐鉉武成王廟碑云入端門而右迴旁太廟以顧即今處也

三聖廟神即蒼史王廟在今臺治西偏御街按羅泌路史禪通紀云倉帝史皇氏名頡姓侯岡龍顏侈哆四 灵光上天作令為百

王憲寔有膺德生而能書及受河圖錄字於是窮天地之變仰觀奎星圓曲之勢俯察龜文鳥羽山川掌指而初文字形位成文聲具以相生為字以正君臣之分以嚴父子之儀以肅尊卑之序法度以出禮樂以興刑罰以著為政立教領事辨官一成不外于是而天地之蘊盡矣天為雨粟鬼為夜哭龍乃潛藏著績別生正名乎號并封于介丘紀文字以昭異世為文治日昌矣治百有一十載終葬衛之利鄉亭南書人裡之其後有蒼氏史氏侯氏周氏夷門氏蒼頡氏建康廟未祥所世然其來必自天朝若部所祠宋嘉定十年李珣始加贈闕十六年余嶧寶慶元年丘壽邁

皆相繼修崇歸附後有司以春秋仲丁致祭  
申請廟額曰 文 民祈禱以正者必應

李王廟在城東南十里南唐李主也里俗呼  
曰李帝廟歲時祀之

廣惠廟在城東在廣德張王也

義賣武安王廟在城內東南隅街街東宋慶  
元間建王即漢將關羽歷代重封贈具見祀  
典

五龍真聖廟在城內正東隅新街北宋端平  
乙卯孔都目建

梓潼廟在城內正南隅本廟街宋端平二年  
轉運判官高定文建

曹王廟舊在江寧社壇之前王諱彬謚曰武

惠開寶間統兵平江南不殺一人邦人感之  
故祠焉歲久祠廢後人但以土地祀之事  
見年表

褒忠廟在城南門外宋建炎三年立褒楊邦  
乂之死節也詳見年表及本傳

旌忠廟在城南鐵索寺之東南宋紹興三十  
一年金人犯淮西御前統制姚興獨以一軍  
與戰于尉子橋鏖戰數十合援兵不至竟殲  
于陣將死猶手殺數十人樞密葉義問以聞  
贈觀察使命立廟賜額

忠節廟在城東三里與半山寺相望宋隆興  
元年江淮都督張浚命李顯忠紹宏淵復宿  
州宏淵將王珙深入賊營戮力鏖戰自辰至

申手殺甚衆竟戰歿督府以聞贈閬州觀察使命其寨前立廟賜額忠節

惠澤龍王廟在水西門裏大軍倉東政和中建

牛將軍廟在城西南隅竹街

蜀三大神廟三神有德有功載在祀典制使姚希得蜀人分闢金陵日度地青之側鼎創祠宇其旁又建道室為撫燎之所取管下洞神宮額以之

延祐年間改三大神祠為祐文成化祠加封梓潼帝君金陵廟廢不治太定年間盱江江廷楫住持宮事重加修建詳見後洞神宮曹南王祠堂建在正北隅柴街寶戒寺側

禹王廟在寶寧坊磨盤街口

侯將軍廟侯瑱與王琳戰於烈山下大捷土人以瑱功烈其甚盛故名山曰烈祠之

劉將軍廟上元縣治西有廟街北

五龍堂在城北古太一觀基近玄武湖今廢屬金陵鄉去縣八里

孚澤廟在玄武湖側去城西北一里

嘉惠廟在城東南二十五里

靈澤夫人祠在長干寺後龍池側

炳靈公祠新橋西南唐昇元中置

武烈帝廟在永壽宮西

二判官廟在城西門裏鐵塔寺西南百餘步白石廟崇寧書晉咸和三年蘇峻亂溫嶠等

入伐立行廟於白石告元帝元后曰逆臣崧  
傾覆社稷毀棄三正汚辱海內臣亮等手刃  
戎行龔行天伐惟中宗元皇帝肅宗明皇帝  
明穆皇后之靈降鑒有罪勦絕其命剪此即  
遂以安宗廟臣等雖殞首摧軀猶生之年謝  
靈運撰征賦造白石之祠壇愬二凶之無君  
謂此其池在白石陂今廢

九州廟按宋書明帝立九州廟於鷄籠山下  
大會群神云

紫微廟在城東北九里蔣山西

興德王廟在蔣山蔣帝廟北去城一十三里  
助國王廟在城東北十八里

清溪姑廟在今府學東與上水閘相近

白馬廟慶元志在江寧縣隨車鄉秦淮南岸  
去城三十里

張漢射廟在城西門外十里

周江東廟在攝山頂

韓將軍廟在城西門

阿罕廟在鷄行街殺猪者

新林姥廟南史張敬兒於新林姥廟中為妾  
折子自稱三公不詳其所

李氏女廟在三山

楚吾提王舊在攝山前今徙棲霞寺內

蘇大將廟舊在上元金陵鄉張陣湖側

句容縣城隍廟在縣治南已上皆應天府

三茅真君廟句容縣至大元真人內傳曰漢



明

年詔勅郿縣修守丹陽句曲真人廟陶隱

人廟陶隱

比廟今猶存山東平和林

中有女子姓尹為祝逮山

諸村並各造廟

大茅西為吳墟廟中

復山上為述墟廟今

並不知處惟昇元觀名鶴廟在祠宇宮之上

以茅君分理亦城每年十二月二日駕白鶴

會於此紹興戊寅春重建廟巖甬工興丹光

現舊基

張王廟在句容縣南鈴塘廟北有張基數百

畝紹興經界時蠲賦禁民東有石柱前有

陂池

廣濟廟句容縣志天聖觀附龍神祠貌前有

龍池

文孝廟在句容縣東門內

劉明府廟在句容東門內

沈史君廟乾道志在句容縣北 蜀鎮西北

又有沈公橋

達奚將軍廟乾道志在句容縣東門內縣志

白羊門內

盧大王廟在句容縣西北東陽鎮市東

射烏廟在射烏山下去句容縣北五十里

靈濟張太尉等廟句容縣志張太尉廟在東

門內久廢有靈濟廟在縣南十五里縣志

作靈濟廟龍光廟在縣東二十五里武烈帝

廟見前茅司徒廟在茅山事見溧陽天王廟

在縣城東角

溧水州城隍廣惠侯廟在州東百步蓋唐縣治基也

楚平王廟在溧水州南十里即平王都舊址也

左伯桃羊角哀廟去溧水州七十五里  
荊將軍廟去溧水州南四十五里孔鎮南大路西高陂古城內

聖母廟在溧水州東十四里

張將軍廟在溧水州東南二十五里

劉府君廟在溧水州北三十五里方壩

溧水州諸行祠東嶽祠在州治東張真君在臨淮門外五顯祠在永安門外

溧陽州城隍廟在州東南挹秀門內

顯惠廟在溧陽州北二十五里山山下

貞義女廟在溧陽州西北四十里潁水上

趙城明王廟在溧陽州趙城內

梁城廟在溧陽州古梁城內

赤鄒將軍廟在溧陽州東北二里屠塘右

武程將軍廟在溧陽州青安門外

高鄭二王廟在溧陽州北街廢

伍相廟在溧陽州護牙山下

聖姚廟在溧陽州曹姚山下

潘真君廟在溧陽州三鶴山下

白鶴廟在溧陽州朝山下

東嶽茅司徒等廟案舊志東嶽廟廣惠張王

廟五道廟並在溧陽州西門內忠祐廟見城

內武烈帝廟茅司徒廟事迹云稽神錄浙西  
僧德林少時遊舒州路見一夫荷鋤治方丈  
之地左右數十里不見居人間之對曰頃時  
自舒之桐城至此暴得疴疾不能去因卧草  
中及稍醒以昏笑四望無人惟虎豹吼叫自  
分必死俄有一人部從如大將至將下馬良  
久召二子曰善守此人明日送到桐城縣下  
遂上馬去倏忽不見惟二梓在焉某即強起  
問之荅曰此茅將軍也常夜出獵虎憂汝被  
傷故使護汝更欲問即荅曰已出矣不復見  
其二人即起而行意甚輕健至桐城頃之疾  
愈以所見之處立祠祀之德林止舒州十年  
及回則村落皆立茅將軍廟今俗呼茅司徒

在溧陽州東門外一里舊志同

祠山真君廟在溧陽州招遠坊

先廟在望都縣南四十里

燕昭王廟易州城東南二十里

趙子簡祠在滿城縣北晉宋康初立祀烈國

晉大夫趙鞅元郝經記保州趙之北境趙鞅

首并即鄆逐范中行氏遂成三晉故趙人特

祀于邊以旌其功居民因之遂為世祀

四賢祠在易水傍祠燕郭隗樂毅劇辛鄒衍

也像皆國工劉鑒所塑遊極精巧元郝經撰

碑

廉將軍廟在保定城西北一十里祀趙將廉

頗前臨雞水支流有石梁焉謂之廉梁者舊

相傳廟北有廉頗墓

樊將軍廟在揚州城西二十里樊將軍即秦樊於期也

霍光廟在蠡縣北三里光漢大將軍廟後有冢

漢賢神廟在蠡縣東南二十五里唐太中時建昌黎韓愈撰碑其畧云神諱蓋十一世祖齊康公避田和之亂宅於此神仕平帝朝為幽州刺史封閼內侯

孝烈將軍廟在完縣東或云孝烈即木蘭女嘗代父戍守於此唐封為孝烈將軍

二程祠在傳野縣東南二十五里元建祀宋大儒程顥程頤兩兄弟本朝正統中重修有

司歲時致祭二程先生五世而上居博野曹祖而下墓河南

靜脩祠在容城縣祀元儒劉因楊俊民有記  
二賢祠在府治東南元建祀劉因郝經二儒  
竹澤龍祀在府城西南一十里土人禱雨多  
應元學士尚野有記

紫泉龍祠在新城西南三十里旱禱輒應元  
蘇天爵撰記

育山龍祀在育山歲旱禱雨于此

顯濟廟在抱陽山聖教寺內廟前有潭潭內  
有二青蛇能興雲雨變見不測鄉人所賽與  
之酒輒直立俯首飲之故前人詩有青蛇立  
飲祭神酒之句



長桑君廟在任丘縣北莫州城東北三里長桑君周人偏鵠師

偏鵠廟在長桑君廟西舊有正殿及樓內有像又有井及古栢數株

周亞夫廟在景州西五里亞夫封有舊有碑書曰漢丞相條侯廟記有傍有墓甚高大正統間鄉人立廟於墓上元宋本詩漢室深謀只是癡楚王當事更無機荒墳宝玦應從葬宜有神光夜陸離

董子祠在景州治東南崇臺上舊有祠在西南廣川鎮唐宋碑刻猶存又有祠在州北門道又元大德初舊縣人林士豪葺加補葺天曆初縣尹呂思誠移於此曹元用作記